



國朝耆獻類徵初編卷九十三目錄

卿貳五十三

誠存

素爾訥

梁有堂

蔣賜棨

鄒奕孝

曹錫寶

戴第元

西城

穆精阿

福隆安

弟福

長安

子豐  
紳濟倫



國朝耆獻類徵初編卷九十三

通奉大夫前署江西巡撫江西布政使司布政使湘陰李桓輯

卿貳五十三

誠存

誠存正紅旗滿洲人章佳氏由官學生於乾隆二十年考補繕本筆帖式四十年授山西朔平府理事同知四十四年遷盛京刑部員外郎四十七年調吏部員外郎五十七年升禮部郎中嘉慶四年授山西道監察御史七年奏查八旗則例載八旗婦人守節十五載及年逾四十而身故者各旗查明咨部題請旌表等語乃歷年八旗所辦成案拘於年逾四十身故一語致二十歲以外守

節至四十以內而身故者不能同邀 旌典不足以昭平允請嗣  
後守節已歷十五年而身故者准各旗咨部辦理得 旨下部議  
行七月擢鴻臚寺少卿十一月遷通政司參議八年以匿名揭帖  
案奏 聞旋訊出正犯兆昌誣陷狀 上嘉其據實奏辦交部議  
敘尋議加一級五月擢鴻臚寺卿九月遷光祿寺卿九年授太常  
寺卿十年升大理寺卿十一年擢都察院左副都御史時浙閩廣  
東三省洋匪未靖疏陳弭盜之方八款一外洋無耕種之地近來  
米船出洋該處地方發米牌一紙販運射利接濟逆匪宜禁米出  
洋以絕匪類糧食一外洋水盡鹽滷皆仰食內河宜令弁兵堵禦  
以杜內河取水一嚴巡邏按日報明駐劄以專責成遇有劫案按

駐防日期察究一礮臺重地多添弁兵以嚴防堵如有私通逆匪  
買米取水並私販火藥器械等事該營兵查出從重究辦一除盜  
之根源外洋之盜半屬內地積匪令一鄉之保甲族長如有匪類  
首先密報州縣從重懲辦則姦宄自不能容身一查盜之隱匿盜  
賊偷竊隨在有寄頓之所令地方保甲遇有窩匪之家密行首報  
免其株連賊及贓物更易於追捕一州縣規避處分諱盜爲竊應  
令報盜者由州縣以及大吏一體呈明不坐以越控之罪一紳衿  
出資捕盜宜量加鼓勵毋許州縣冒爲己功如是則賞罰明而捕  
盜益力奏入 上以所奏多有可採飭督撫議行十二年二月  
京察屆期以衰老原品休致十五年十月病卒

右 國史館本傳

素爾訥

素爾訥鈕祜祿氏滿洲正紅旗人乾隆二十年由繙譯舉人補步軍統領衙門司務二十三年升主事二十六年擢員外郎二十九年調戶部銀庫員外郎三十年授江西道監察御史三十一年正月命巡視北城奏言五城文移檔案並不收存署內具呈人等俱在漢御史私宅投遞應請議定章程上命軍機大臣查察尋議各城御史嗣後一切案卷收存公所滿漢御史均應每日進署理事民間呈詞公同接收辦理或遇昏夜緊急事件始准在私宅接收次日會辦七月奏稱五城司坊官員事務繁劇往往因處分不能升轉前經部臣奏明俸滿卽保送引見附於卽升人員之

未以次升用將處分帶於新任但該員等選法例應先儘外省卽升報滿之人得缺仍覺壅滯請嗣後先用卽升五人次用照例升轉一人輪缺選用部議如所請行又奏請將五城兵馬司吏目衙署移駐城外尋部議吏目微員不足以資彈壓將各城副指揮移駐城外其副指揮原管地方改歸正指揮及吏目分轄三十三年正月擢吏科給事中時山東黃縣丁憂主事王碩赴京控知縣涂祖瀾需索規銀強拉牲畜等款 命往會撫臣富尼漢查訊尋奏涂祖瀾不能約束書役藉端需索復任贏戶籍差拉雇王碩呈報丁憂未敘親生嫡繼字樣經縣指駁令家奴唐英頂覆控府控司批飭審訊又令家奴匿不到案均請交部議 諭曰如此則鄉紳

之風必熾而地方官不能管理矣涂祖瀾無罪王頤著交部嚴議  
十月擢內閣學士兼禮部侍郎銜十二月授都察院左都御史三  
十四年五月署禮部尙書八月奏參鴻臚寺卿宋續經修理衙署  
以未經入奏之事冒昧出示令鋪戶房間與衙署毗連者全行拆  
毀請交部嚴議 上是之十月復署禮部尙書兼鑲白旗蒙古都  
統十一月調鑲白旗瀕洲都統尋擢刑部尙書十二月充經筵講  
官三十五年調戶部尙書三十六年三月京察屆期 上以素爾  
訥勤慎稱職下部議敘十一月 命在紫禁城騎馬旋調理藩院  
尙書 上賜三班九老宴遊香山令畫工繪圖素爾訥與焉三十  
七年署工部尙書三十八年正月署禮部尙書閏三月復署工部

尙書四月 諭曰此次 常雩大祀豫期詣 皇穹宇拈香仰瞻

列祖神牌見有字色模糊之處諭交太常寺堂官查辦乃該堂  
官祇將上年冬至祭祀時恭請出龕入龕之寺丞任策祥送交刑  
部治罪刑部亦並未切實根究僅以任策祥照律問擬願預具奏  
因令軍機大臣詳細查訊始據德福奏稱恭請 神牌出龕入龕  
係寺丞任策祥其自供案請入亭內恭昇至 壇及祭畢由 壇  
迎奉供案係贊禮郎珠通阿並查明珠通阿係原任副都統雅爾  
呼達之孫是德福之意存袒庇已屬顯然而素爾訥當德福面奏  
時亦在旁與聞其語何亦隨同附和乎此案若非朕洞鑒其隱則  
任策祥獨當重罪而珠通阿竟因堂官袒庇得以脫然事外何以

服任策祥之心而使太常寺官員知所儆懼所有任策祥珠通阿  
一案見據軍機大臣審擬具奏另降諭旨旋議請將任策祥珠通  
阿均照大不敬律治罪素爾訥德福請旨治罪下部嚴議部議  
褫職上加恩改爲革職留任四月署工部尙書七月署禮部尙  
書八月奏參太常寺卿謝溶生乖張偷惰每朔望分詣壇廟  
點香及輪派圜丘祈穀兩壇行禮並不親往又縱容家人嚇  
借奉祀生銀兩請革職治罪尋鞫實論罪如律又奏參安徽學政  
朱筠失察欠考生員捐貢得旨朱筠交部嚴議四十一年四月  
調都察院左都御史九月上以其年邁不能辦理旗務罷兼都  
統職四十二年以原品休致四十八年卒

右 國史館本傳

梁有堂

梁有堂浙江錢塘人乾隆二十一年順天舉人補直隸欒城縣知縣二十八年丁父憂三十一年丁母憂三十三年服闋補寶坻縣三十六年升薊州知州四十年調深州四十二年補保定府知府四十三年升清河道四十六年擢山東按察使四十七年五月以山東巡撫國泰縱情婪賄未能據實奏參部議革職奉旨加恩以道員降補時豫省河工需員命有堂前往河南交富勒渾差遣委用十二月補直隸通永道四十八年調清河道擢直隸按察使五十年授直隸布政使五十二年運弁張廷儒被劫親赴蒲溝審訊得旨梁有堂所辦甚好著將伊失察段文經及司監人犯

越獄處分准其開復五十三年七月 命署理山西巡撫旋 命  
署河南巡撫以嚴督屬縣漕糧迅速開運得副冬兒冬開定制交  
部議敘五十四年正月擢河南巡撫五月奏報豫省情形 諭曰  
各屬雨澤未經一字提及朕念切雨暘無時或釋梁肩堂不能仰  
體朕懷遲延若此豈以擢用巡撫遂爾自滿不以民爲重耶又言  
河南舊河身兩岸沙壓田畝不能耕種奏請蠲免得 旨允行七  
月請將月限加培高厚以爲重門保障 上是其請 命繪圖以  
進五十五年二月升直隸總督 賞戴花翎 賜黃馬褂五月奏  
添建海河閘座七月奏畱順德府同知嵇瓚奉 旨梁肩堂奏順  
德府同知嵇瓚前經擢升知府因兩耳重聽以知府銜仍畱同知

原任今又屆三年限滿例應甄別乃梁有堂猶復奏請畱任其意  
不過以嵇璜爲大學士嵇璜親弟瞻顧情面曲事姑容梁有堂著  
交部嚴加議處十一月以鉛礦試採無效奏請停止十二月奏阿  
布噶卓哩克圖王進京在宣化縣被竊請將該縣議處 諭外藩  
入覲經過州縣向無派人護送之例若一一賠償或致捏報詐冒  
之弊前多倫諾爾遺失銀兩該督請賠曾經敕諭梁有堂復有此  
奏實屬不曉事體五十七年閏四月奏拏獲越獄之瞿紀瞿套兒  
恭請 王命正法奉 旨辦理稍過各省情形雖距輦轂甚遠然  
皆朕率土之民此後各省不得任意從嚴九月奏查辦直省蝗蝻  
上以有堂不將三河一路提出轉將該縣李培榮升擢通州回

奏仍稱三河有蝗之時在李培榮交卸之後始終回護曲爲開脫  
著革職從寬畱任又以直隸省順德廣平大名及河間景州旱災  
先後截漕五十萬石 命官堂督率給賑嗣因直隸京南一帶貧  
民紛紛就食京師 諭曰該省早經截漕辦賑當此嗷嗷待哺之  
時豈得拘泥成例待至九月始行散賑梁官堂以防汎爲名駐劄  
長安城養尊處優置地方賑務於不辦何不知輕重緩急若此傳  
旨申飭五十八年 命在紫禁城內騎馬五十九年 上巡幸天  
津官堂迎鑾 賜御製七言詩一首祠傍琴高蹕小停前行旋  
復返舟船從心已自加入歲較我猶然少六齡僕僕可稱清且健  
肫肫恆藉理而經望霖意苦同斯際歌管仍陳節懶聽六月奏廣